

*Sigle: T*

*Aufbewahrungsort: Slezké / Troppau*

*Signatur: Cod. RA-6*

[121r,12] Daz pvehel ift von vnfers  
herren marter. wie fand Anf(=  
helm vnfer vrawen vrait  
wi er gemartert waer. vnd  
wi im vnfer vrawe des  
a[nt]wurte

[121v,01] SAnd anfhalm der pat vn(=  
fer vrawen von himelrich  
langev zeit mit grozzer gier  
mit vaften vnd mit andechti(=  
gem gepet vnd haizzen zehern  
daz fi im chvnttaet ir aingeporen  
chindes marter wi iz von dem a(=  
negeng ergieng vntz an daz en(=  
de vnd do er der lange het gepete  
da erfchain im vnfer vraw <t>o  
ainem mal vnd fprach czv im  
Anfhalm Mein liebez chint als  
manichvaltich vnd als grozzer  
marter erliten hat. daz iz nie(=  
men voellichleich gefagen chan  
di ovgen mvezzen iz mit manigen  
zaehern des hertzen intherchait  
erwenten. Wand ich a<v>er fo groez(=  
lich erhoehet pin mit meinem  
cinde vber allez himelifchez her  
[122r,01] vnd vber all di creatur di got  
ie befchvef fo enmag ich noch  
enfchol nicht mere wainen. vnd  
darnach als dv mich vrageft  
darnach fag ich dir wie ez er(=  
gie Sand anfhalm was von

hertzen vro vnd sprach Sag  
mir liebev vrawe wi was der  
anevanch der marter<sup>er</sup> deines lie(=)  
ben chindes. Vnfer vrawe spr<sup>a</sup>ch  
DO mein chint het geezzen  
mit feinen iungern· vor feiner  
marter daz iungift mal <vnd>  
daz fi von dem tifche avfftven(=)  
den do giench iudas fcarioth  
zv den fvrtten der iuden· vnd  
chom eines gedinges mit in v(=)  
berain / fo wolt er mein chint  
verraten· Di iuden waren des  
gedinges vro vnd gaben im  
[122v,01]dreizzich pfenning Do sprach fand  
anfalm. Sag mir liebev vraw  
wlherhand pfenning was daz.  
Vnfer vrawe sprach. Si waren  
yfmahelite gehaizzen· vnd wil dir  
fagen warvmb di waren als  
gehaizzen· vnd wil dir fagen  
warrvmb fi waren also gehaiz(=)  
zen· do iosepen fein prveder verchavf(=)  
ten vm dreizzich pfenning. do  
chavften in ainerhand levtt di  
haizzen ysmahelite. dovon di  
pfenning den namen habent vnd  
di iuden den di phenni<sup>g</sup> wurden  
cze tail· di behielten fev fur ein  
erbeschafft· vnd liezzen czv einem  
igleichen geflaecht fein nachcho(=)  
wol vber viertavfent iar.  
wand fi waren tewr vnd chost=  
paer vnd di iuden waren datz  
[123r,01]ierufalem di daz gvet heten von  
der erbeschafft di waren meinem

chint alfo veint· fwie lang fev  
daz guet heten gehabt vnd fwi  
lieb iz in was· fo gaben fi ivdas  
difelben phenni<sup>s</sup>· wand er was  
alfo geitich do er die phenninge an(=)  
fach do gevieln fi im als wol daz  
er mein chint darvmb gab  
Sand anfhalm sprach· fag mir  
vrauwe waer dv da pei deinem lie(=)  
ben chind vnfer vrawe spr<sup>a</sup>ch Nain  
ich anfhalm· wizz da mein chint  
het gezzen mit feinen iungern  
vnd in di fvezze het gewafchen  
vnd in feinen heiligen leichnam  
het gegeben vnd in fvezze pre(=)  
digt vnd iudas von in was ge(=)  
gangen zv den iuden· do gieng  
mein chint mit feinen iungern  
[123v,01]ab dem perg fyon auz der ftat zv  
der ftat auz. daz do haizzet das gvl(=)  
dein tor· zv einem prvnne der h<ie>z  
fyloe pey dem was ein gart do  
er e dikche ingegangen was  
mit feinen iungern· vnd vnder  
den perch oliueti hiez er fein iunger  
paiten vnd gie von in auf den  
perch oliueti· wol fo verre als  
man einen ftain mit einer hant  
gewerfen mag· vnd viel nider  
auf feinev chnie vnd anpettacht  
feinen vater von himelreich. vnd  
sprach den pfalm. Exaudi me  
domine quoniam benigna est misericordia  
tua fe[cun]dum multitudinem mif(=)  
ratorum tuarum respice in me. Daz  
sprichet· herr erhoer mich wand

dv pift genaden rich vnd got ge(=)  
dench an mich nach der menig  
[124r,01]deiner parmherczichait. Ne auer(=)  
tas faciem tuam a me. quoniam  
tribulor velociter exaudi me. Herr  
cher dein anlutz nicht von dei(=)  
nem chinde wand ich bin in groz(=)  
zen fargen davon hilf mir palde  
Sand anfhalm fprach. Sag  
mir liebev vrawe. warvmme  
pat er do. Vnfer vraw fprach  
Daz tet er vm dreyerhand  
fache. Di erst fach ift. daz er  
czarter natur was. vnd ich in  
gar zartleich gezogen het vnd  
daz er einer magde chint was·  
vnd von chvnichlichem geflaech(=)  
te geporn was. davon tet im fein  
marter vil deft wierfer. Di ander  
fach was. daz in fein grozz trav(=)  
richait vnd vorcht het bed<wn>g(=)  
en. daz im der pluetig fwaiz auz  
[124v,01]allen feinen geliden dranch daz  
er auf di erd vloez. vnd wand  
er der war got was der ellev d[[inc]]  
vorweft do weft er auc all fein  
marter vor. wi fein gefpottet fcholt  
werden· vnd angefpeit· geftozzen  
vnd geflagen· vnd wi im mit  
valfcheren fcholt werden vertailt  
vnd laefterlich fcholt fterben an  
dem chrevtz. vnd daz er von ig(=)  
leicher marter fmertzen vnd pitter(=)  
chait fcholt leiden. vnd wand er  
daz wol weft allez vor davon  
pat er wand wie ein diep waiz

daz er fterben mvez. fo im wiert  
vertailt. fo enphint er doch nicht  
def fmerczen e daz man in hach  
an daz fail. do enpfant mein  
liebez chint des fmerczen alles  
vor der marter di er leiden wolt  
[125r,01]die dritte fache was. daz er wette  
daz die iuden dehain barmhertzi(=)  
chait vber in möchten gewinnen.  
vnd do er feinen vater pat ob iz  
möcht fein daz er in der marter  
vberhueb. vnd dich feinen willen  
nicht anfehe. nuer er ervollet  
feinen veterleichen willen. Do  
fant im fein vater von himel  
einen engel der in tröfte. vnde  
sprach tzv im. Wis veste vnde  
ftarch. wand dv lēfen scholt al(=)  
lez menschleich gefleht. Dar(=)  
nach ftvend er auf vnd giench  
tzv feinen iungern. do waren fi  
entflaffen vor rechtem laid vnd  
von vberiger travrichait. Do  
sprach er tzv in. Mocht ier ein  
ftvnde nicht gewachen mit mir  
fecht ier nicht er nahent vil  
palt hertzve. der mich hin wil  
[125v,01]geben. vnd tzehant cham iudas mit  
einer grozzen fchar. Do er nahen hin(=)  
tzve chom. do sprach er tzv den iu(=)  
den. Jer tzwen find gar geleich an(=)  
einander Jefus vnd Jacobus fei(=)  
ner mvemen fvn. den man haizzet  
feinen prueder. vnd mag man ai(=)  
nen von dem andern chovm er(=)  
chennen. Dovon wil ich ev ein

tzaichen geben. Wen ich chvffe *der*  
ift iz. den habt vafte vnd fueret  
in gewerleich. Vnd do er do na(=)  
hen begvnde. do giench mein chin  
gegen in vnd fprach. Wen fvecht  
ier. Si fprachen. *Jhesum nazarenum*  
Do fprach mein chint. Jch pinz  
Do vieln fi alle hinder fich auf  
daz erdreich. Do fprach er aber  
Seind ir mich fvecht. fo lat  
die gen die mit mier find. Daz  
[126r,01]die fchrift erfvlt wert. Quos  
dedifti michi non *perdidi* ex eis  
quem<sup>a</sup>qm. Daz fpricht. Die dv mir  
haft gegeben. der han ich dehai(=)  
nen verlorn. Vnd do er daz ge(=)  
fprach. do giench iudas tzv mei(=)  
nem chint vnd chvft in. Do  
fprach mein chint tzv im. Wild  
dv des menfchen chint in den  
tode geben mit dem chvffen.  
do tzoeh fand peter fein fwert  
uvz. vnd flveg des oberiften<sup>t</sup> chnech  
daz recht or ab. Do fprach fand  
anhelm. Sag mier liewe vrow  
gefchach dehain tzaichen an fei(=)  
ner vanchnuffe. Vnfer vrowe  
fprach. Mein chint pot fein hant  
dar vnd rvert fein or. vnd macht  
iz tzehant gefvnt. vnd fprach  
tzve fand peter. peter ftoz dein  
[126v,01]fwert in die fchaid. wan alle die mit  
dem fwert lebent. die verderbent  
mit dem fwert. Oder wenftv nicht  
daz ich meinen vater m<sup>o</sup>cht erp<ie>(=)  
ten daz er mier fand tzwelif engel(=)

fchar. vnd tzeant flvchen die ivn(=)  
ger von im. Sand anhelm fpr<sup>h</sup>ch  
Sag mir raine vr<sup>w</sup>e wer dv ovch  
bei im. Vnfer vrowe fprach. Nein  
ich. Sand anhelm fprach. War(=)  
vmb liezz dv daz. Vnd er dier doch  
fo hertenlieu was. Vnfer vrowe  
fprach. Iz was nacht vnd was iz  
nicht pilleich. daz iunge frowen  
an der ftraze giengen. Sand  
anhalm fprach. Nv sag mir  
tzartev vrowe wo werd dv do.  
Vnfer vrowe fprach. Jch was  
in meiner fwefter havs. Johannes  
mutter. meines chindes mve(=)  
men fvn. Sand anhalm fpr<sup>h</sup>ch  
[127r,01] Wer was des pot der dier die mer  
fagt. wie iz vmb dein chint er(=)  
gangen wer. Vnfe vrowe fprach  
Do chomen die ivnger alle mit  
grozzem gefchrai vnd vmbmez(=)  
lichem laide. vnd fprachen tzv  
mir. Owe lieuev mueter vnde  
vrowe. dein hertenliebez chint  
vnd dein aingeborns vnfer lie(=)  
wer maifter der ift gevangen  
vnd ift van vnf gefueret ge(=)  
pvnten. vnd wizzen nicht wo  
er hinergefveret ift. oder ob er  
erflagen ift. Nv fage mir lieue  
vrowe wie was do dein vnge(=)  
mach. vnd deines herten not  
Vnfer vrowe fprach. Swie wol  
ich wefte. daz menfchen natvr  
mit im fcholt erl<sup>o</sup>ft werden.  
doch von mveteleichen natvr

[127v,01]vnd lieb. do giench fymeonis fwert  
dvrch mein hertz. als er mier het  
gefait. do er mein chint erplich  
in dem tempel. Do sprach fande  
anhelm. tzartev frowe wo wart  
dein chint hingefvert. Vnfer  
vrowe die sprach. auz dem gart(=  
en do er inne gevangen wart  
dvrch ein tal daz haizzet Jofa(=  
phat tze Jerusalem in. dvrch daz  
gyldein tor. do er dvrch auz was  
gegangen in einen palaft. der  
ftvent pei des fverften haus. der  
do hiez annas. do entzvnten fi  
ein fiwer. Do chomen di alten  
vnd di fchreiber. vnd di phary(=  
fei. vnd befamten fich alle in  
den palaft. Do fragt der fuerft  
annas vil von feinen iungern.  
vnd von feiner lere. Do antwrt  
mein chint vnd sprach. Jch han  
[128r,01]offenleichn der welt gepredigt  
in der Synagoga. vnd geleret  
alle tzeit in dem Tempel. do die  
iuden alle tzefammechoment.  
vnd han nicht verporigenleich ge(=  
lert. wes vragft dv mich. vrag  
fev die iz gehort haben. die wiz(=  
zen wol waz ich han gefaget  
in. do mein chint daz het ge(=  
redet mit dem fvrften annas.  
do flveg in ein vngevtig man  
des fvrften an fein wange  
vnbarmhertzlich vnd sprach  
dv fcholt dem pifcholf paz  
antwuerten. Do sprach mein



chint gar fenfelechn. tzv dem  
der in geflagen het. han ich  
wol geret warvmb flechftv  
mich denn. han ich aber vbel  
geret daz betzevg. Do namen  
fi in vnd verpuntem im die  
[128v,01]ovgen. daz man doch tuet dehainen  
dieb. e. daz im gevrtailt wert.  
vnd fpotten fein alle die nacht.  
vnd fpeitten im vnder fein antltz  
vnd giengen hinder in vnd flue(=  
gen in auf feinen hals. vnd fpr<sup>h</sup>ch(=  
en. Weiffag vns wer dich gefla(=  
gen hab. Nv was Johannes tzv  
meinem chint in das haus ge(=  
gangen. wan der herre annas  
erchant in wol. vnd Johannes  
nam petrum vnd fvert in auch  
in daz haus. vnd do petrus tzv  
der tvr ingie. do sprach ein  
iunchfrowe die huett der tuer  
tzv im. dv pift auch des menf(=  
chen iunger. Do lavgent petr<sup>v</sup>s  
dreiftynt. vnd fwert daz er in  
nicht erchant. noch in nicht  
hiet gefehen. tzechant do chret  
der han. Do fach mein chint  
[129r,01]petrum gar trurichleichen an.  
do gedachte petrus an daz wort  
daz er im vor het gefait. E daz  
der han tzwier gechre. fo haftv  
mein dreiftvnt verlaugent. vnd  
giench auz vnd waint gar pit(=  
terleich. Do sprach fand anfhalm.  
Liewe frowe wo wer dv do  
daz allez gefchach. Vnfer frowe

fprach. do mier die ivnger fagt(=)  
en. daz er gevangen wer. do tzeit(=)  
ternt alle mein gelider. vnde  
giench avz pald. vnd Maria  
magdalena mit mier. vnd gien(=)  
gen tzv dem tempel. der dopei  
ftvent nahen. bei des fuerften  
annas havs. do hort ich inne  
ein michel geprecht. do wer  
ich gern ingegangen. daz  
ich hiet gefehen. wie iz mei(=)  
nem chint wer ergangen.  
[129v,01]do wolt mier fein nieman gvnnen  
do gewan mein hertz lavtterl<eichez>  
laide vnd waint van hertzen <vnd>  
fprach. awe hertenliewez chint  
ein fpiegel meiner ovgen. <w> ge<it>  
meinem havpt wazzet. vnd mei(=)  
nen ovgen prvnne der tzeher.  
daz ich bewain vnd chlagen mug  
daz mort daz man an meinem  
chint beget. do giench Maria  
magdalena allez vmb daz havs  
ob fi indert fvnd ein venfterlein  
daz fi gefehen möcht mein chin<sup>t</sup>  
in feinen nōten. die hort pe(=)  
tern meines chindes dreiftvnt  
verlaugen. do wolt ier hertze  
verfwunden fein var iamer  
daz fi den fuerften der iunger  
aller fein verlaugen hort.  
vnd fprach mit einer iemerch(=)  
leichen ftimme. Jefus welichn  
[130r,01]ende fchol dein pitterleich not  
heint nemen. oder wie fchol iz  
dier ergan. feint dein verlau(=)

gent hat der ain fverft vnder  
allen deinen ivngern. vnd doch  
dein frvnt was. herre iefv ich  
wil dein nimmer verlaugen.  
Ich ftvend auch vnd hort allen  
den fpot. vnd alle die fleg. vnd  
die ftôzz die man im gab. vnd  
daz petrus fein dreiftvnt verlau(=  
gent. do fach in mein chint in  
allen feinen nôten an. do ge(=  
dacht petrus an daz wort. daz  
er im fait. e. daz der han tzwier  
gechre. fo haftv mein dreiftvnd  
verlaugent. do giench er auz  
dem havs vnd wait pitter(=  
leich. do vand er vns ften vor  
dem haus. do fprach ich tzv  
im. mit grozzem iamer. Owe  
[130v,01]peter waz tuet man meinem chint  
alle die nacht. oder wo ift er. do  
fchrai peter mit einer iemerchleich(=  
en ftimme vnd mit pittern tzehern  
vnd fprach tzu mier. Awe liewe  
frowe vnd mueter rainev. do  
flecht man dein chint vnd ftêz(=  
zet in an alle barmhertzichait.  
vnd beginnent allerderhant  
fpot mit im. fo fi in erdenchen  
mugen. vnd ift fein anlutze  
fo lefterleich gefpiertzelt. daz  
man iz chavm erchennen mag.  
ob iz eines menfchen antlvitze  
ift. do er mier daz gefait. do  
floch er vnd verparg fich in  
einen holen ftain. der haizzet  
gallicantus. vnd chom nie

heravz vntz daz mein chint  
an dem chrevtz erftarb. do  
sprach fand anhelm. Sag  
[131r,01] mir rainev magt wie was dir  
do an dem hertzen. do dv daz al(=)  
lez hortest. Vnfer frowe sprach.  
do giench Symeonis fwert tzv  
dem andern mal dvrch mein  
hertze. Sand anhelm sprach.  
wie ergiench iz darnach. vnfer  
frowe sprach. do iz tag wart  
do fverten fi in avz dem havs  
vnd fverten in hintz caypham.  
do fach ich mein chint. vnd do  
man mein chint gefangen furt  
do lef ich dar recht als ein weip  
der ier chint genomen ift. vnd  
do fein minnechleichez antlvte  
fo gar gevneint was. do ge(=)  
habt ich mich fo iemerchleich  
vnd sprach tzv im. Awe dv lie(=)  
bez vnd aingebornez chint. wie  
iemerchleich dein antlvte ift  
gefalt. des sich mein hertze  
[131v,01]diche hat gefreut. fwenn ich iz an(=)  
fach. vnd levf palt vnd viel dar.  
vnd wolt mein chint haben vmb(=)  
vagen. do wolt mier fein nieman  
gynnen. vnd ftiez mich ainer hin  
der ander her. vnd wart mit be(=)  
fen warten vnd mit ftözzen ver(=)  
triben. do wart der tzvelauf  
von den leuten fo groz. recht als  
man dieben oder mordern ver(=)  
tailen wolt. vnd do er fuer ge(=)  
richt chom. do ftvend er sam ein

vnfchuldigez lempelein. daz feinen  
mvnt nicht auftuet. fo man iz  
totten wil. vnd waz fein antltz  
fo lefterleich gefpiertzelt. nuer fam  
iz wer eines auzfetzigen anlutze.  
darnach fvnden fi avf in fal(=)  
fche getzevg. die fprachen er wer  
ein tzeftorer der tzehen gepot.  
vnd hiet die levte verchert mit  
[132r,01]feiner falschen lere. do chomen  
aver tzwen falsch getzevg. vnd  
fprachen wier haben gehort daz  
er sprach. Ich wil den tempel nider(=)  
prechen. vnd wil in hin wider in  
drin tagen machen. da sprach  
er von dem tempel feines leibes.  
do wanten fi er sprach iz von dem  
tempel den her Salomon gemacht  
het. do sprach der pischolf Cay(=)  
phas. Sag vns ob dv feift des  
waren gotes fvn. do antwuert  
im mein chint vnd sprach. Sag  
ich ev iz fo glaubt ier mier fein  
nicht. vrag ich ev fo antwuert  
ir mier nicht. doch sag ich  
ev werleich. Ier wert des menf(=)  
chen chint fehen fitzen tzv der  
tzeferm feiner gotleichen chraft  
vnd chomen her wider in dem  
wolchen. des himels. do ftvent  
[132v,01]der pischolf avf vnd tzart fein gewant  
vnd sprach tzwc bedverf wier mer  
tzeug. er hat doch felben veriehen  
wes tvncht evch. do fchrieren fi  
alle miteinander. vnd fprachen.  
Er ift des todes fchvldig. vnd do

ich die v̄rtail hort. do giensch tzv  
dem dritten mal. Symeonis fwert  
dvrch mein hertze. Sand anhelm  
sprach. ach rainev frowe wie er(=)  
giensch iz im darnach. vnfer fro(=)  
we sprach. do fverten fi in ge(=)  
bvnten hintz dem richter pylatum  
vnd chom daz volch allez. do  
schriren arm vnd reich alle ge(=)  
main. Tolle tolle crucifyfige eum.  
Nim hin. nim hin. chrvtzn  
chrvtzen. vnd hvben im avf.  
daz er het gesprochen. Er wer  
gotef fvn. vnd hiet verpoten.  
daz man dem chaifer dehainen  
[133r,01]cins geben scholt. do begvnt  
pylatus vragen von feinem  
chvnichreich vnd sprach piftv  
der ivden chvnich. Do sprach  
mein chint. Sprichstv iz von  
dier felben. oder hat dier daz  
ieman von mier gefait. do  
sprach pylatus. pin ich danne  
ein ivde. dein geflecht vnd  
dein ebentiwer habent dich mir  
gegeben. waz hastv getan. do  
sprach mein chint. mein reich  
ift nicht von dierr welt. wer  
mein reich von dierr welt  
mein amptlevt hvlfen mier. daz  
ich den iuden icht wuert tze  
tail. Do sprach pylatus. So pistv  
doch ein chvnich. do sprach mein  
chvnich. dv sprichst iz. want  
ich pin ein chvnich. vnd bin  
geborn vnd chomen auf daz

[133v,01]erdreich. daz ich fei ein getzevg der  
warhait. wan fwer von der war(=  
hait ift. der hõrt mein ftimme.  
do fprach pylatus. waz ift die  
warhait. do fwaig mein chint.  
vnd wolt der vrag nicht ant(=  
wuerten. wan hiet er im geant(=  
wuert fo hiet er fich leicht von  
den tod geledigt. vnd wer menf(=  
chleich chvne nicht erlõft. vnd  
do iudas hort daz mein chint  
verdampft was. do geraw in *der*  
chauf. vnd giench hin tzv den  
fverften. vnd gab in die phen(=  
ning vnd fprach tzv in. Ich han  
gefvnt daz ich daz recht plvet  
han hingegeben. do fprachen  
die iuden. waz get vns daz an.  
daz gebuezzestv wol. do giench  
er hin vnd warf die dreizzich  
phenning nider. vnd gie hin  
[134r,01]vnd hie fich felben. vnd di ditze  
gefchach. do giench pylatus tzv  
den fverften. vnd tzv den priefftern  
vnd tzv der gemain. vnd fprach  
Ich han dehain fach an difem  
menfchen fvnden. domit er den  
tot verdient hab. die iuden  
fprachen. Er hat die levte ver(=  
chert mit feiner lere. von Ga(=  
lylea do vie er an. vntze her.  
vnd do pylatus hort daz er  
wer von Galylea. do herodes  
chvnich was. do fant er mein  
chint tzv herodes daz er in ge(=  
fach wan er in der ftat was

tze Ierufalem. vnd hort auch  
fagen daz er lang begert mein  
chint fehen. vnd wolt fich avch  
verfvenen mit herodi. want  
fi lang veint aneinander wa(=)  
ren gewefen. vnd do herodes  
[134v,01]mein chint erfach. do was er gar vro.  
wan er begert von hertzen. daz er  
ettleich tzaichen von im fech. do  
vragt er in vil diche ob er daz  
chint wer. daz fein vater gerne  
erflagen hiet. vnd von feinen fchvl(=)  
den fo vil chinder töttet do er in  
fvecht. vnd ovch ob er der wer der  
lazar lentig macht. vnd ovch der  
frowen fvn in der ftat naym.  
vnd plintten macht gefehen. vnd  
manigerhant vrag. do wolt im  
mein chint nie ein wart mitge(=)  
tailen. do gelobt in aber herodes  
ob er ein tzaichen vor im tet fo  
wolt er in löfen on den ivden.  
Mein chint Ihannes wolt im allez  
nicht antwürten. do hiez im he(=)  
rodes ein edel chron auffetzen  
vnd fprach. daz er ein tzaichen  
vor im tet. fo wolt er im geben  
[135r,01]fein chvnichreich halbez. Mein  
chint fprach allez nicht. do ftven(=)  
den di iuden avf vnd fagten vil  
dinges auf in. domit fi im vnge(=)  
limphten machten. vnd do hero(=)  
des fach daz mein chint dehain  
tzaichen vor im tven wolt. do  
verfmecht er in vnd allez fein her  
mit im. vnd hiez im ein weizze



gewant anlegen. vnd fant in  
wider pylato. also wart des ta(=)  
ges herodes vnd pylatus tze frevñ  
vnd wan pylatus weft di groz(=)  
zen veintfchaft die di iuden  
heten gegen meinem chint. do  
fant er fein gewaften levt mit  
mit im tzv herodes vnd her wider.  
daz fi fein hvetten daz in die  
iuden icht tötten vnderwegen.  
vnd do mein chint chom fver  
pylatum. do sprach pylatus  
[135v,01]tzv in vnd rvefft dev iuden allez  
tzefamme vnd sprach tzv im. Ier  
habt mier den menfchen tzve(=)  
pracht tzv einem vercherer des  
volches. nv vind ich dehain fach  
an im. domit er den tot verdienet  
hab. in alle der chlag domit ier  
in fchvldigt. noch der chvnich he(=)  
rodes vindet avch dehain fache  
an im. Ich wil in tzvchigen vnd  
wil in danne lazzen. do fchrier(=)  
en die iuden alle vafte. daz er  
in barraban geb. der was ein  
fchacher vnd was gevangen  
vmb manflacht. vnd mein chint  
hiezzen fi chrevtzen. Do sprach  
pylatus tzv dem dritten mal. Ich  
vind dehain fchvlde an im. Ich  
wil in hertichleichen flahen vnd  
wil in danne lazzen. do fchrier(=)  
en die iuden alle. chrevtz in.  
[136r,01]chrevtz in. vnd do pylatus an dem  
gericht faz. do fant fain haufrowe  
tzv im an daz gericht. vnd fprch

dv haft nicht tze schaffen mit  
difeu rechten menschen. Ich han  
heint in der nacht vil von im  
erliten in dem flaffe. Nv gedaht  
pylatus vil. wie er der ivden  
vraidichait gestillen möchte. vnd  
hiez meinem chinde fain gewant  
abtziehen. vnd hiez in flahen  
alto fere daz von der schaitel  
vntz auf die fvezze nicht gantz(=)  
es an im was. Nv was di fevl  
als groz do er angebvnten was  
daz im wol vmb eine spanne  
gebraft. daz er fei nicht mocht  
vmbgreiffen. do namen fi  
ftarch riemen vnd pvnten im  
die hent fein. vnd tzvgen im  
die arme tzefamme vnd tzer(=)  
[136v,01]fluegen im fo fere. daz im in einer  
clain ftvnt. daz plvet feinen tzarten  
leip vbergoz. daz er recht was  
alz er ein rates feidentuech hiet  
angeleit. vnd der anplich fein(=)  
es leibes. was nicht anders nver  
sam der einen geviltten menschen  
anfech. darnach enbant in py(=)  
latus der richter von der fevlen  
vnd leit im ein tvech an. von ede(=)  
lem pverper. do flachten im die  
ritter ein chron vnd fatzten  
im die avf. vnd chnieten fver  
in vnd sprachen. Wis gegruetzt  
ein chvnich der ivden. vnd flve(=)  
gen im an fein wange. vnd auf  
fein havpt. vnd die chron die  
im herodes auffetzt. do in py(=)

latus tzvefant. mit derfelben  
chrõnet man noch alle Rõmifch  
chvnic. vnd die dvrnein chron  
[137r,01]die im pylatus avffatzt die hat  
der chvnich von Franchreich. vnd  
diefelbe chron was von hvtzein(=  
en dorn fo fcharf. daz fi fe mein(=  
em chint nicht mochten mit den  
henden avfgefetzen. fi mvesten  
nemen einen fchaft. di drvhten  
fi imz mit auf fein havpt. daz  
im daz pluet allez fein antlvtze  
vnd fein achfel vbergoz. do nam  
in pylatus alfo gechrõnten vnd  
alfo plvettunden. vnd mit dem  
feideim gewant. vnd fvert in  
fver die ivden. vnd fprach tzv  
in. Secht wo Iefus ewer chv(=  
nich. vnd di fi erfahren in. do  
genvegt fev nicht alle der  
finech die fv im pvten. vnd  
aller der marter di er erliten  
het. Si bedachten nicht. daz  
er fo manich tzaichen het ge(=  
[137v,01]tan. vor iern ovgen. daz er di plint(=  
ten macht gefehen. die toren gehõ(=  
ren. die ftvmmen reden. die avzfetz(=  
igen rain. vnd die wazzervchigen  
gefunt. die lamen hiez er gen. vnd  
die toten lentig macht. vnd fvnf(=  
tavfent menfch fpeifet. mit fvnf  
prõten. vnd ander manich grozz  
tzaichen vor in tet. der heten fi  
aller vergezzen. vnd fchrieren  
auf in. als avf einen morder vnd  
fprachen. Chrevtz in. chrevtz in.

do sprach pylatus. Nemt in vnd  
chrevtzt in. nach ewr gewanhait  
do sprachen di ivden. Man schol  
in tötten nach vnferm recht.  
wan er gesprochen hat. daz er  
gotes fvn fei. vnd do pylatus daz  
erhort. do erschrichet er. vnd  
giench in daz richthavs. vnd  
nam mein chint end spr<sup>a</sup>ch tzv  
[138r,01]im. von wanne pistv. do wolt  
er im nicht antw<sup>u</sup>rten. Do spr<sup>a</sup>ch  
pylatus. waiftv nicht gaz ich ge(=  
walt han dich tze lazzen oder tze  
behalten. vnd wild dv doch mier  
nicht antw<sup>u</sup>rten. do spr<sup>a</sup>ch mein  
chint. dv hietzt dehain gewalt  
vber mich. er wer dier danne  
gegeben. vnd dovan hat er vil  
mer f<sup>v</sup>nden. der mich dier hat  
gegeben denn dv. vmb die rede  
hiet in pylatus gern lazzen.  
do schriren di ivden alle mit  
grozzem tzorn. vnd sprachen tzv  
im. Wild dv den lan. fo pistv  
des chaifers vreunt nicht. vnd  
do pylatus hort. daz fi im dro(=  
ten avf feinen herren den chai(=  
fer. do nam er wazzer vnd w<sup>u</sup>fch  
fein hende vnd sprach tzv in al(=  
len. Ich pin vn<sup>f</sup>schvldig an des  
[138v,01]rechten menfchen plvet. do schriren  
die ivden alle vnd sprachen. Sein  
pluet ch<sup>o</sup>m vber vns vnd vber vn(=  
fer chinder. vnd schriren ie mer  
vnd ie mer. vntz daz er in hiez  
chrevtzen. do gefigten die ivden

pylato an. do er sprach. ier wille  
scholt ergan. dv vnd liez barra(=)  
ban dvrch ôsterleich recht. vnde  
gab vrtail vber mein chint vnd  
sprach. Ich ertail vber *Jesum naza(=)*  
*renum.* daz man in tôte des lefter(=)  
leichen todes an dem chrevtz. Sand  
anhelm sprach. awe lieue frowe  
wie daz was deinem hertzen. do  
dv difev vrtail hörteft. vnfer frow  
sprach. do giensch Symeonis  
fwert tzv dem vierden mal in  
mein hertze vnd in mein fele  
vil mer dann ob die vrtail wer  
vber mich gegeben. Sand anf(=)  
[139r,01]helm sprach. Nv wie ergiench iz im  
darnach. vnfer frowe sprach. Si na(=)  
men do mein liebez chint. vnd fvrten  
in avz. do fi in chrevtzen wolden. vnd  
legten im daz chrevtz avf feinen ruk(=)  
ke. Iz was avch daz chrevtz fvnftze(=)  
hen schvech lanch. do het er alle di  
nacht vnd alle den tag so grozze not  
vnd arebait erliten. daz er daz chrevtz  
nicht mocht getragen. do betwun(=)  
gen fi einen andern der hiez Symon  
der chom in avf dem wege. daz er  
meinem liewen chint daz chrevtz  
mveft nachtragen. vnd taten fi  
daz von dehainer barmvnge  
nvr daz fi fâhen daz er daz chrevtz  
vor chanchait nicht mocht getra(=)  
gen. Sand anhelm sprach. Giensch  
im icht vil levt nach vnfer frowe  
sprach. Ia im lief nach arm vnde  
reich. weip vnd man. vnde chint

[139v,01]vnd vil frowen die in pitterleich  
chlagten. vnd fere chlagten. vnde  
wainten. Im giench avch vil lev  
nach die avf in fchrieren als avf  
einen diep. den man tzv dem galgen  
fvert. Iz lieffen avch die chint dar  
vnd wûrfen hor avf fein antltz  
vnd avf fein havpt. vnd an fein  
wange. do chert fich mein chint  
gegen den frowen die do mit wa(=)  
ren gegangen mit grozzem lait  
vnd mit grozzem wainen. vnde  
fprach tzv in. Ier tóchter von Ie(=)  
rufalem waint nicht vber mich  
waint vber evreu chint. die daz  
haer vnd die ftain avf mich wer(=)  
fent. vnd nicht wizzen ob fi rech<sup>t</sup>  
oder vnrecht tvent. wan iz chõ(=)  
ment noch die tag. daz fi wer(=)  
dent fprechen. Selich find die  
weip die nie chint getruegen.

[140r,01]Selich find die pevch die nie fwane(=)  
ger wuerden. Si werdent auch tzv  
den perigen fprechen. vallet avf  
vns. vnd tzv den pvcheln. bedecht  
vns. wan tvnt daz grvnev  
tzweil. waz tvent danne di dvr(=)  
ren. als er gefprochen hiet. do  
mier dife chinder fõttan lafter  
erbietet in ier chinthait. waz  
tvent fi danne fo fi an ier alter  
chõment. Man fvert avch tzwen  
fchacher mit im avz. datz teten  
fi im tzv einem fvndern lafter.  
vnd do man in avzfvert mit  
den fchachern datz dem tor. do

wart daz gedrange fo groz von  
den levten. die im nachlieffen  
vnd fein spotten. daz ich tzv im  
nicht chōmen macht. do wart  
ich vnd Maria magdalena tze  
rat. daz wier levffen an ein an(=)  
[140v,01]der gazzen daz wier in verlevf<fen>  
vnd daz wier in gefehen. e. daz er  
datz dem tor avzchem. alfo levff wir  
fver in der andern gazzen. daz wier  
in verlevffen. vntz daz wier <chomen>  
tzv einem prvnne. do bechom vns  
mein hertenliewz chint. vnd was  
fo iemerchleich gefalt an feinem  
antltze. wer er mein chint nicht  
gewefen. ich hiet in chavm erchant  
Sie heten im fein hende tzefamme(=)  
gebvnten. vnd fverten in gar vn(=)  
getzogenleich vnd do er mich er(=)  
fach an dem wege ften vor im.  
do naig er fein havpt gegen mir  
vnd sprach. Ich danch dier aller  
der lieb vnd der tzvcht allez gv̇tz  
des dv mier haft getan. vnd daz  
dv den tempel meines leibs als  
gar tzertleich mit deiner armvt  
ertzogen haft. vnd mit deiner  
[141r,01]arebait. vnd mich in meinen nō(=)  
ten nie verliezt. dv hvlfst mier  
gern ob dv mōhft. vnd lauffest  
mier noch nach. wie verfmecht  
ich doch pin aller welt. vnd do fi  
in prachten an die stat die do  
haizzet Caluarie. do martern fi  
in. vnd die tzwen schaher. vnd  
hiengen ainen tzv der rechten

feitten. vnd den andern tzv der  
tencken hant. vnd mein chint  
enmitten. Sand anhelm spr<sup>a</sup>ch  
Sag mir lieuev frowe. wie  
teten si im do. vnser frow spr<sup>a</sup>ch  
anhelm her gar chleglichev  
mer. daz noch dehain enwange(=  
lifte schreib. do si chomen an  
die ftat caluarie. do tzvgen si  
im ab allez fein gewant. daz  
ein vadem an feinem leib nicht  
belaip. do erstarb mein hertze  
[141v,01]do si im daz lafter erbvten. vnde  
giench dar vnerfchrochleich. vnde  
an fchant. vnd tzvcht ein tvech ab  
meinem havpt vnd pant daz vmb  
feinen leip. Nv was der flech so vn(=  
rain. do si in heten gefvert calua(=  
rie. vnd was so gar verfmecht. daz  
man böferr ftat nicht mocht haben  
fvnden. Man sach do hvnt vnd fche(=  
mel wid hiengen avch do. do di dieb  
vnd die morder an erhangen war(=  
den. vnd was der gefmach so vn(=  
rain. vnd an dierr vnrainen ftat  
leiten si daz chrevtz avf die erden.  
vnd leten mein chint rvcklinge  
daravf. vnd nagelten im die ain  
hant an daz chrevtz. Do was der  
nagel so groz. daz er die wunden  
so fere ervolt daz ein plvetztrophe  
daravz nicht chom. do namen si  
do ein fail. vnd pvnten die andern  
[142r,01]hant als vaft. daz die gelider avz(=  
einander giengen. der nagel was  
avch als groz. den si im dvrch die



andern hant flvegen. daz er die  
wunten als fere erfvl. daz ein  
plvetztrophe daravz nicht gie.  
darnach namen fi ftarchev fail  
vnd pvnten im daran die fvezz  
vnd tzvgen vnd denten in als fer  
daz die fchrift erfvl wuerd.  
di an dem falter ftet. dinumera(=)  
uerunt omnia offa mea. Sie heten  
in als fere gefpannen. daz dehein  
gelid was an feinem leibe. man  
hiet iz fvnderleich getzelt. dvrch  
fein havt. vnd do fi in alfo ge(=)  
fpantten. do fatzten fi im einen  
fvez auf den andern. vnd flvegen  
im do einen nagel dvrch paide  
fvezze. der was avch als groz  
daz im daz plvet avch nicht her(=)  
[142v,01]avz macht gefliezzen. von der grōzz  
des nagels. vnd do ich die grozzen  
hamerfleg hōrt. do was die weif(=)  
fagyng ervolt an mier. di her da(=)  
uid fchreibt an dem falter. audi fi(=)  
lia et vide. Recht als er tzv mier  
fprech. Hōr tochter die pitttleich(=)  
en hamerfleg. vnd fiech di ma(=)  
nigvaltig not. die ich leide an  
meinen henden. vnd an meinen  
fvezzen. vnd an allen meinem  
leibe. vnd do ich die grozzen ha(=)  
merfleg erhört. do giench Sy(=)  
meonis fwert tzv dem fvnften  
male dvrch mein hertze. do  
namen fi daz chrevtz vnd hve(=)  
ben iz avf. daz ich mit meinen  
handen meines chindes fvezze

nicht gerveren macht. fo hoch  
was daz chrevtz. awe des iemer(=)  
chleichen ampliches den ich do  
[143r,01]fach. wie vngeleich er dem was  
do ich fein genas. vnd do ich fein  
chindleich antltz anfach. vnd do  
er avfgerichtet ward an dem  
chrvtz. vnd do er begvnde han(=)  
gen von der fwer feines heili(=)  
gen leibes. do braften im die  
wunten avf an den fvezzen vnd  
an den henden. vnd ran daz  
plvet fo fere vom im. als iz von  
vier prvnnen auzgieng. Nv  
het ich ein gewant an. als do  
gewanhait was in dem lande  
daz frowen trvegen. daz gewant  
was also gemacht. daz iz daz  
havpt vnd den leib allen be(=)  
dacht. vnd was weis als der  
fne. vnd dazfelbe gewant  
was allez rot von feinem plvt  
daz avf mich ran. Sand anf(=)  
helm sprach. awe raine frowe  
[143v,01]wie ergiench iz im do. vnfer frowe  
sprach. do fi in gechrevtzten do  
tailten fi fein gewant. vnderein(=)  
ander. do het mein chint ainen  
roch. den wolten fi nicht prechen  
wand er gantz ift. do sprach  
fi do. wir schvllen ein loz werfen  
vnder vns welchem er also gantz(=)  
er werd. daz gefchach allez dar(=)  
vmb. daz die fchrift erfvelt wuert  
als an dem falter der weiffag sprch  
diuiferunt fibi vestimenta mea daz

fpricht. Mein gewant habent si  
in getailt. vnd habent ein loz noch  
gewarfen avf mein chlaider. vnd  
darnach da pylatus levt fchriben  
avf daz chrevtz. mit dreyerlay  
sprach. chryeichfn. Ebreyfchen.  
vnd latein. Iefus nazareus rex  
iudeorum. daz mvvet di ivden vnd  
sprach. warvmb haizzest dv  
[144r,01]in der chvnich. dv fcholt haben  
gefchriben. daz er hiet gefprochen  
Er wer der r iuden chvnich. do  
sprach pylatus. daz ich gefchriben  
han. daz han ich gefchriben. do  
giengen si alle fver daz chrevtze  
vnd würfen ier havpt avf gegen  
im. gar fpöttleichen vnd sprach  
Secht an daz ift der. der den tem(=)  
pel wolt haben tzeprochen. vnd  
in in drin tagen wolt widermach(=)  
en. piftv gotes fvn. g fo giench her(=)  
ab. ab dem chrevtz. vnd behalt  
dich vnd vns. do sprach die  
fvrften der ivden. vnd di fchreiber.  
vnd die alten gar fpöttleich. an(=)  
dern levten hat er geholfen. vnd  
chan im felben nicht gehelfen.  
piftv der chvnich von ifrahel. fo  
ginch ab dem chrevtz. fo welle  
wier dier gelavben. Er trawet  
[144v,01]got. der helf avch im ob er welle.  
wan er sprach. daz er gotes fvn wer.  
Sand anhelm sprach. Liewe frowe  
da man fein also fpottet. sprach er  
ich dawider. vnfer frowe sprach.  
Er pat vmb fev vnd sprach. Vater

vergib in. wan fev nicht wizzen  
waz fi tven. do ftvend avch gemain  
volch do. vnd fpottentn fein. vnde  
piten wie fein ende wuerd. do mocht<sup>f</sup>  
er wol gefprochen haben tzv mier.  
Tochter her di grozzen flvechwart  
vnd fiech di chlegleich nat. Ich waiz  
wol daz. daz dv mich enphieng von  
dem heiligen geift. vnd mich trvegd  
vnd geber magd wafen. vnd mve(=)  
ter. vnd daz dv tzertleichen fpeifeft  
mich mit deiner tzertleichen milich  
vnd daz dv mich liepleichen vnd  
minnechleichen ertzvge. vnd daz dv  
mier alle tzeit mit trewen nach(=)  
[145r,01]giengd. dovon fchvllen fi niht an  
mich gelavben. daz ich gotes fvn fei.  
Frowe tzartev mveter. fo gelavbe  
aber dv. vnd hab parmvnge vber  
mich. do giench Symeonis fwert  
tzv dem fechften mal dvrch mein  
hertze. vnd dvrch mein fele. vnd  
dannoch mocht er in allen feinen  
nóten fpottens von den fchachern  
nicht hinchomen. der ain der tzv  
der tencken hant hiench. *der* sprach  
in fpótt. Seift dv chrift fo behalt  
dich vnd vns. do antwürt im *der*  
ander fchacher fein gefelle. Fvrcht  
dv nicht got. vnd dv doch in der  
felben verdampnvsse pift. wier  
aver enphahen pilleich vnd von  
fchvlden. daz man vns tvet. aber  
difer hat nie dehain vbel getan.  
vnd do er feinen gefellen alfo ftraf(=)  
fet. do sprach er tzv meinem chint.

[145v,01]Herre erbarm dich vber mich. fo dv  
chômft in dein reich. do sprach mein  
chint tzv im. Ich sag dier werleich.  
dv fcholt hevt fein pei mier in dem pa(=  
radeis. Sand anhelm sprach. Liewe  
frowe waz tet dv do. vnfer frowe  
sprach. do ftvent ich pei dem chreutz  
vnd Iohannes meiner fwefter fvn. vnd  
Maria magdalena pei mier. vnd wa(=  
ren alle hertenlaides vol. Ich fach  
in hangen vnd leiden not. vnd mach<sup>f</sup>  
im tze chainen ftaten chômen. vnd do  
er mich in grozzem hertenlaid fach  
vor im ften vnd Iohannem meiner  
fwefter fvn. an den er vil tzarter vnd  
fvnderleicher lieb het gelait. wan  
er in lieb het fver die andern alle  
do wolt er mich nicht vngetrôft  
laffen. vnd sprach tzv mier. Siech  
wa dein fvn. darnach sprach er  
tzv Iohanni. Siech wa dein mveter.

[146r,01]do was iz an der leften ftvnd des  
tages. vnd wart ein grozze vinfte.  
vber alz erdreich. vntz avf di non.  
vnd do none wart. do fchrai mein  
chint vnd sprach. Hely. hely le(=  
ma<z>abatani. daz spricht. Mein  
got. mein got. warvmbe haftv  
mich verlaffen. do sprach iegleicher  
die do waren. Er rveffet helyam.  
wier fchvllen fehen. ob er im chô  
vnd erlôfe. do weft mein chint  
wol. daz die weiffägung an im  
ervolt was vnd sprach. Mich dvrft  
do nam ainer einen batfwam.  
vnd fvlt in vollen ezzeich. vnd gal(=)

le. vnd pat iz meinem chinde. tze  
trinchen. daz er defter e fvrbe  
vnd do er den ezzeich *verfvecht*. do  
sprach er. *Confumatum est* daz sprich<sup>t</sup>  
Iz ift allez volendet. vnde sprach  
vater ich enphilich dier meinen  
[146v,01]gaift. in dein hende. vnd do er daz  
gesprach. do naigt er fein haupt.  
vnd fchied fein götleich fele von *feinem*  
heiligen leibe. vnd do erlafch di fvn(=  
ne. vnd tzart fich der vmbhanch en(=  
mitten entzwei. in dem tempel.  
vnd erfchvtt fich das erdreich. vnd  
tzerchluben fich die ftaine. vnd vol(=  
licheich der ftain do daz chrevtz  
inne ftvent geftecht. der chlab  
fich aller voneinander. vnd teten  
fich die greber auf. vnd erftvenden  
vil heiliger leut. vnd chomen nach  
ier v̇rftend hintz Ierufalem in di  
ftat. vnd liezzen fich da fchawen  
do ftvend ein herre bei dem chrevtz  
der was ein Centvrio. vnd fcholt  
meines chindes hvetten. vnd an(=  
der ritter die pylatus dar gefant  
het. vnd do fi die grozzen tzaichen  
fähen. do erfchrichten fev vil fer.  
[147r,01]der Centvrio aber lopt mein  
chint vnd sprach. werleich dierr  
was gotes fvn. Sech wie di ele(=  
ment fich erbarment vber ieren  
fchepher. vnd wolten fich *der* iuden  
dehainer nie vber in erbarmen.  
do ftvenden avch vil frowen die  
meinem chint nach waren ge(=  
gangen von Galylea die fähen

iz allez. sand anhelm sprach.  
Sag mir reinev frowe vnde  
magt. het dein hertenlaide  
ent. vnser frowe sprach. Nain iz  
anhelm. hör ein chleglich mer.  
waz dannoch mer gefchach.  
mortz an meinem chinde. an dem  
tag do fi in fo lesterleich heten  
getöttet der hiez parasceue. daz  
spricht der stille vreitag. do was  
an dem andern tage sabbatum.  
der do haizzet der hochzeitleich  
[147v,01]tage den di ivden begiengen avch  
darvmb daz die leichnamen icht  
hiengen an dem <oster>leichen tage  
do giengen die ivden tzv pylatus <vnd>  
paten in daz er meinem chint vn<d>  
den andern schachern mit <...>  
ier gepain tzefflahen hiezz daz fi  
defter e ftverben. daz fi <...>ch icht  
hiengen an dem <oftertag> do <hiezz>  
pylatus sein ritter. daz fi meinem  
chint vnd den andern schachern  
ier pain tzepr<a>chen <vnd> do fi de<n>  
schachern paiden ier pain vnd  
allen iern leib tze<fverten> vnd  
tze<br>achen. vntz fi fâhen daz fi  
tot waren do wolten fi a<u>ch mei(=)  
nem chint alfam <haben> <getan>.  
do was er von im selben <tode>.  
vnd do fi fâhen daz er tot w<...>  
do wolten fi nicht sein gepain  
tzepr<e>chen. daz die schrift erf<...>  
[148r,01]wuerd. die do von dem osterlamp  
spricht. <...> <...> <...> ex eo.  
daz spricht d<er> osterlamp gepain

fchol gantz beliben. do giench <...>  
ritter hin vnd ftach meinem chint  
einen grozzen fpiez dvrch fein <her>(=  
tze. vnd von der w<u>n<d>en giengen  
tzwen grozz brvne einer von  
plvet der ander von wazzer  
vnd do ich fach daz fev nicht ge(=  
nvegt aller der <mar>ter. die mein  
chint <alfo> <herti>chleich erliten het  
fi wolten sich a<v>ch an feinem toten  
leip rechen do <...> meinem her(=  
tzen <als> we recht <als> mier der  
fpiez dvrch mein hertze wer ge(=  
ftochen. do hiet ich gerne ge(=  
w<a>int. do wa<s> mein hertze  
vnd aller mein leip vnd di <na>(=  
<tvr> <als> dverre an mier w<a>r(=  
den vor wainen vnd vor groz(=  
[148v,01]zem iamer.vnd von der arebait die  
ich erliten het. baidev nacht vnd alle  
den tag. daz ich einen aigen tzaher  
nicht macht ertzevgen. vnd was  
mein ftimme als gar an mier er(=  
ftariben. daz ich ein wort nicht  
macht gefprechen. do was die weil(=  
fagvng an mier ervolt. die fymeon  
tzv mier fprach. Et tuam ipfius  
ani[m]am pertranfubit gladius. daz  
fpricht. daz die marter meines  
chindes dvrch mein hertze vnde  
dvrch mein fele fholt gen. vnd  
fneiden als ein fwert. wan daz  
fwert feiner marter. hat da tzv  
demfelben mal dvrchftochen  
mein hertze vnd mein fele. vnd  
allen meinen leip. vnd wan ich



mit dem mvnde mein chinde  
nicht gechlagen macht. do chlag̃  
ich mit dem hertzen. awe tzartz  
[149r,01]min chint. awe fvezz mein minne(=)  
chleichez chint. awe liewe vor allem  
liewe. wo ift nv der troft. den ich  
alle mein tag an dier gehabt han  
Möcht mier nieman gehelfen. daz  
ich fver dich ftvribe. awe liebez  
mein chint. vnd do fein götleich  
fele von feinem leip fchiet. do fuer  
fein fel hin tzv der helle. vnd ward  
do grozzer frevde. do er do nam  
adam. vnd alle die feinen willen  
heten getan. vnd befloz die helle  
daz nimmermer dehain fele dar  
chömen mag. wan mit ier ai(=)  
gen willen. Er befloz fei mit  
dreierhant floz. mit rechter rewe  
vnd mit lautterr peicht. vnd mit  
gewerer pvezze. vnd wer die  
floz tzebricht. der mvez immer  
do b<l>eiben. vnd nimmer danne  
chomen. Sand anhelm sprach  
[149v,01]Sag mir rainev frowe wie ergiench  
iz darnach. vnfer frowe sprach. Ein  
gvvet man der hiez Iofeph. vnd was  
von einer ftat die hiez arimathia.  
der was haimleich meines chindes  
ivnger. wan er voricht die ivden.  
der gie tzv pylato vnd pat in. daz  
er im geb meines chindes leichnam  
daz er in begrveb vnd sprach tzv  
pylato. Ist daz dv daz nicht palde  
erlavbefst daz man in begrab. fo  
verdirbet fein mveter dev ift die

rainift frowe vnd die feligift. di  
ie geborn wart. Die hat als groz(=)  
ze chlag vnd iamer an ier. daz fi  
vns als fer erbarmet. vnd vns  
als wetvet. als ob fi vnfer aigē<sup>n</sup>  
mveter wer. do rveft pylatus  
dem herren Centvrio. vnd fragt  
in ob mein chint tot wer. vnd  
fagt im die grozzen tzaichen. die  
[150r,01]do gefchehen waren. do nam  
pylatus grozz wunder. daz er  
als fchier tot was. vnd hiez Io(=)  
feph daz er mein chint ab dem  
chrevtz nem. vnd in begrveb.  
nach allem feinen willen. Nv  
merch anfhelm ein chlegleich  
dinch. di iofeph mein chint  
ab dem chrevtz loft. do ftvend  
ich vnd wart auf. fo im fein  
arme wuert abgepvnten. daz  
ich in denn enphienge. alfo  
enpfiench ainen arme nach  
dem andern. vnd drvcht in an  
mein hertze. vnd chvft in mit  
grozzem hertenlaide. vnd do  
er ab dem chrevtz wart erloft.  
do leten fi in avf die erden.  
neben das chrevtz. do viel ich  
palde nider. vnd nam fein haupt  
in mein fchozze vnde fprach.  
[150v,01]mit grozzem hertenlaide. tzartz  
mein chint waz troft fchol ich nv  
haben. feind ich dich tod vor mier  
fiech. do chom mein chint Iohannes  
ewangelifta. vnd viel avf fein  
prvft vnd avf fein hertze. vnde

fchrai ein iemerchleich ftimme  
vnde sprach. awe awe avf dem  
hertzen rvebt ich nechten. minne(=)  
chleich vnd tzertleich ob dem tifche.  
awe awe avf difem hertzen.  
tranch ich nechten felich fvezzi(=)  
chait. awe nv enphach ich vn(=)  
felich pitterchait. do chom pe(=)  
ter gelavffen vnd chlagt mit  
grozzm iamer daz er fein het  
verlaugent. do chom Maria  
magdalena. der chlag was vor  
aller chlag. die viel fuer mein  
chint mit grozzem iamer vnd  
sprach. awe troft vor allem  
[151r,01]troft. wer fchol mich vnfc huldi(=)  
gen vor Symonem der mich fchvl(=)  
dig gab. vnd mich denn dein tzar(=)  
ter mvnd vnfc huldige macht.  
von allen meinen fvnden. awe  
wer fchol nu mein vorfpreche  
fein gegen meiner fwefter. gegen  
der dv mich verfprecht. do fi dier  
von mier chlagt. awe die tzart(=)  
en fvezze die mich nicht ftiezzem  
do ich fev chvft. awe die rainen  
fvezze die ich wuefch mit mein(=)  
en tzehern. vnd dv mier des  
wol gvndeft. awe die edeln fvezze  
die mich nicht verfmechten.  
do ich fev trvchent mit meinem  
har. vnd ander manigvaltig  
chlag het fi ob meinem chint.  
do chom Iacob<e> meiner fwefter  
fvn. den man sprach. daz er  
meines chindes prveder wer.

[151v,01]wan er was im geleich an allem  
feinem leibe. der sprach mit grozzer  
chlag. awe hertzenliewer herre.  
wie ift dein wunnechleich antlvzt  
im felben fo vngeleich worden. vnd  
wie ift aller dein leip fo iemerchleich  
dvrchmartert. wan von der fchait(=)  
eln vntz avf die verfen. ift nicht  
gantz an allem deinem leibe. awe  
hertzenliewer herre vnd maifter.  
geftern was dein minnechleiche  
antlvzt dem meinen geleich wer  
mg nv fprechen. daz ich dein  
prveder fei. wan dv pift mir gar  
vngeleich warden. do fwuer er  
daz er nictes nicht wolt. e. en(=)  
beizzen. e. daz mein chint erfvt  
von dem tode. daz gefchach. Er  
was an ezzen vnd an trinchen.  
vntz an den oftertag. Do erfchain  
im mein chint fvnderlich. do er  
[152r,01]an feinem gepet lag. vnd sprach  
gvetleich tzv im. Iacob prveder  
mein. ftant avf vnd iz. des men(=)  
fchen chint ift erfunden von dem  
tode. die andern chomen ge(=)  
lavffen mit grozzem gefchrai.  
vnd chlagten alle mit manig(=)  
valtigen tzehern. vnd mit groz(=)  
zem iamer. daz fi von im ge(=)  
lavffen waren. vnd nicht mit  
im in den tot giengen. vnd do  
ich vnd di ivnger mt grozzen  
laid pei im fazzen. do erfrevt  
vns mein chint mit der erften  
frevd nach feinem tot. Sein

leip der vor vns toter lage.  
der wart als wunnechleich  
vnd als schön. als ob er nie  
flag oder wunten hiet wn(=)  
pfangen. wan die fvnf wun(=)  
ten di belibe also gantze.  
[152v,01]vnd offen. die er an dem ivngestem  
tag tzaigen wil aller der welt.  
dovon gewunne wier gar grozz  
vreude. vnd do man in wolt be(=)  
graben. do het ich als grozzen ia(=)  
mer do ich mich von im schaiden  
scholt. also daz ich in vmbeviensch  
mit meinen mveterleichen armen  
vnd mit meinen chresten. vnd  
hiet in gerne geheft. do nam mich  
mein chint Iohannes vnd wolt  
mich dannefveren. do sprach  
ich tzv im. awe Iohannes mein chin<sup>t</sup>  
la mier mein totez chint daz ich  
lentig nicht haben macht.  
oder hilf mier daz ich mit im be(=)  
grawen wert. do sprach iohannes  
mein chint tzv mier. awe liewe  
frowe vnd mveter. nv waiftv  
wol wan menschleich chvne  
möcht an deines chindes tode  
[153r,01]nimmer erlöft werden. vnd do er  
ditze geredet. do namen fi mier  
mein chint wider meinen willen  
vnd trvegen in tzv dem grab. vnd  
do fi in darin geleten. do viel auf  
daz grab. vnd het anders nicht  
gegert. wan daz ich mit im be(=)  
graben wer. do nam mein chint  
Iohannes mich. vnd wolt mich

dannefveren. do sprach ich mit  
grozzem laide. awe iohannes liewes  
mein chint. la mich geniezzen der  
grozzen trewe. die dier mein  
chint ertzaiget in feiner ivngift(=  
en not. do er mich dier gab tzv  
einer mueter vnd dich mier tzv  
einem chint. vnd la mier nicht  
gefchehen den grozzen gewalt.  
daz man mich schaide von mei(=  
nem chint. wan ich wil gern  
hie bei im meines endes peiten.  
[153v,01]do wuerden alle die do waren. her(=  
tzenleichen wainen. do nam mich min  
chint Iohannes wider meinen willen  
vnd fvert mich in die ftat. in meiner  
fwefter havs feiner mveter. vnd do  
mich die erfahen. daz ich als iemer(=  
chleich cham. vnd fahen daz mein  
gewant von plvet alz rat was.  
daz von mein chintz wunten a<u>f  
mich floz. do ich vnder dem chrevtz  
ftvend. do heten fi grozz barmvng  
vber mich. vnd sprachen. awe  
gewalt ift an dierr ftat hevt ge(=  
fchehen. an dierr wunnechleichen  
frowen. vnd an ierem rainen chin.  
also belaub ich in meiner fwefter  
havs. vnd von grozzem hertzen(=  
laide het ich dehain chraft. So ich  
faz. fo wolt mier mein hertze  
fein tzebroften. fo ich avfftvent  
fo viel ich wider nider. fo ich  
[154r,01]lag. fo was mein hertze pei mein(=  
em chint. vnd bei dem grab. vnd  
wer gern aufgestanden. fo mach

ich nicht vor rechter chranhait.  
vnd von hertzenlaide. Ich waint  
vnd het grozzen iamer. baide tag  
vnd nacht. Mich chvnt mein chint  
Iohannes nicht getröften. noch  
mein fwefter noch Maria magda(=  
lena. die von der lieb meines  
chintz bei mier was. Mich chvn(=  
den alle meine frevnt. noch al(=  
le die mich fahen nicht getröf(=  
teb. do wuerden die wort an  
mier erfvl. die Ieremias der  
weiffag lange vor gesprochen  
het. plorans ploravit in nocte  
*et lacrimae eius in maeillis eius.*  
daz fpricht. Si waint tag vnd  
nacht. vnd die tzeher waren an  
ier wangen. vnd chvnt fei niemen.  
[154v,01]vnder allen ieren frevnden getröften.  
awe anhelm hör ein grozz hertzen(=  
laide. daz hveb fich aver an mir an.  
do mein fwefter vnd Maria mag(=  
dalena fich beraittent mit edeler  
falben. vnd wolten gen tzv dem  
grab. daz fi mein chint falbten.  
vnd di fi von mier giengen. do  
mveft ich vor rechter chranhait  
in dem havs fein. daz tet mier  
als we daz iz vngelavbeleich ift.  
wan mier viel ein hertzenlaid.  
avf daz ander. do ich mit dem  
leibe nicht dar macht chömen.  
doch was mein chranchet hertze  
alle die tzeit pei im. vnd gedacht  
an fein tzartz anlutz. daz ich fo  
diche het fröleich angefehen.

vnd an fein fvezzev wart. die  
von feinem gôtlichem mvnde  
waren dicke geflozen. vnd wie  
[155r,01]er verraten wart. von feinem  
frevnt. vnd waz er fleg vnd ftôzz  
vnd fpôtz het enphangen. do er ge(=)  
fvert wart in des pischolfs havs  
vnd wie fein der fverft petrus  
verlaugent het. vnd do er vor  
gericht ftvent welich gefchrai  
avf in was. vnd wie fein vor  
herodes gefpottet wart. vnd wie  
vngetzogenleich vnd wie lefter(=)  
leich er mit den mordern avzge(=)  
fuert wart. vnd wie im feine  
chlaider abgetzogen wuerden.  
vnd an die grozzen hamerfleg  
do im die nagel geflagen wûr(=)  
den. dvrch fein hende vnd dvrch  
fein fvezze an daz chrevtz. vnd  
wie er getrencht wart mî wein  
der was gemifchet mit gallen  
vnd do er mit grozzer ftimme  
fchrai. Mich dverft nach menfch(=)  
[155v,01]lichem hail. daz im do <ezzeich>  
tze trinchen wart gegeben. vnd  
daz fev nicht ge<...> <...> <...>  
<...>gen <...> fi rechen fich an fei(=)  
nem toten leip vnd ft<e>chen im  
ain fper dvrch fein f<e>itten vnd  
do ich di<tz> alles <bedacht> do <fchrai>  
ich mit einer <iamerchleichen> ftim(=)  
me. awe <minnechleicher> vnd  
fuezzer Ief<u>s <got> vnd <menfche>  
fchepfer vnd herre aller <...>  
w<...> recht pitterleich dv von dem



menfchen <...> pift dvrch <des>  
willen dv die menfchait <...> <...>  
<...> <...> an dich nam<ft> <...>  
<...> den dehain himel noch daz  
erdreich noch daz <mer> noch <daz>  
abgr<v>nt nicht <...> <...>  
<...> leit beflozen vn<d>er einem  
ftain<e>. awe <der> <von> <dem> <alle> <...><(<=>  
<tvre> lebt <...> <von> <dem> <...>  
[156r,01]<...> <...> <...> <...> vnd  
<...> <...> <...> <...> <...> <...> <...>  
<...> <...> <...> <...> <...> <...>  
<...> <vnd> <...> <...> <...> <...>  
<...> <vnd> <...> <...> <...> <...> <...>  
<...> <...> <...> <...> <...>  
<...> <...> <...> <...> <...>  
<...> <vnd> <...> <...> <...> <...>  
<dar><vmb> <menfch> <...> <...> <...>  
<...> <...> <...> <...> <...>  
der macht feiner chinthait nicht  
<geniezen> do <er> lag an meiner  
brvft do fvecht in herodes daz  
er in erflach. awe wie vndanch(=  
leich in die ftat enphie. der <...>  
<...> willen er avf daz erdreich  
cham. vnd <gveteich> mit in <...>  
<...> vnd die toten <erchvcht> vnd  
die fi<c>hen gefvnt macht vnd  
alle tzeit gveten <werch> <...>  
vnd do ich in <...> <...> <...>  
[156v,01]was. vnd mein fwefter vnd Maria  
magdalena mein chint fvechten.  
vnd mich in dem havs heten laz(=  
zen. wan ich in nicht mocht gro<...>(=  
gen tzv dem grab. do chom mein  
chint mit alfo grozzer herfchaft

vnd mit fo vngeleicher frvet.  
vnd was fein antlvitz vnd aller  
fein leib als wunnechleich. vnd  
als schön. vnd als dvrchlevchtig  
als der weiffag spricht. *Spetiofus*  
*forma prae filiis homi[nu]m*. Er was der  
schönift vor allen menschleichen  
chinden. vnd do er mier als ge(=)  
waltichleich vnd mit als grozzer  
herschaft vnd chlarhait erfchain  
do sach er mich als minnechleichen  
vnd als gvetleichen an. daz ich al(=)  
les des hertenlaides vergaz. des  
ich ie von im gewan. vnd tröft  
mich als liepleich vnd als ztert(=)  
[157r,01]leich vnd sprach tzv mier. wis ge(=)  
gruezzt fvezze vnd minnechleiche  
mueter vnd magt. gefegent ob  
allen frowen. La dein grozz chlagen  
wan dein chint ist erfunden von  
dem tode. dovon la von deinem  
grozzen iamer. vnd die vmbmez(=)  
zigen pitterchait. tzehant do viel  
ich nider. vnd chvft fein fvezz vnd  
sprach tzv im. Ein ewiger fvn  
des vater von himelreich vnde  
mein tzart. ich lob dich. daz dv  
menschleich chvne mit deinem  
tode vnd mit deiner mart<sup>er</sup> erlöft  
hafts. vnd fei der vater von himel(=)  
reich gefegent. der dich dorvmb  
avf daz erdreich tzv mier fant.  
daz dv menschleich natvr an dich  
von mier nemft. mit der dv all  
welt löft. Do ich die wart tzv  
im gefprach. do schied er von

[157v,01]mier. darnach tzehant. do chomen  
die ivnger vnd mein fwefter. vnd  
Maria magdalena vnd fagten mier.  
daz fi in hieten gefehen. do fagt ich  
in avch. wie wunnechleichen ich  
in fach. vnd wie herleichn. vnd do  
ich in daz het gefagt. do heten fi  
grozzev frevd von meiner gefichte.  
wier frevten vns nicht alain fein  
wan die fvnne die von meines  
chintz tode erlefchet was. die gewan  
nicht alain ieren liechten fchein.  
fi wart fich halt frevnd. daz man  
fei fröleich an den aufganch fach  
fpilen. die erde die fich. e. von  
meines chindes tode erfchvtt het  
die frevt fich do mein chint avz  
dem grab avf fei trat. vnd erfch(=)  
vtt fich von rechter frevd. vnde  
gab die toten wider. die fi von  
adames tzeiten gevangen het.

[158r,01]vnde her. daz fi weren gewer tzevg  
der herleichen v̄rftend meinez lie(=)  
wen chint. do was mier allez  
mein hertzlaid benommen. nich<sup>t</sup> a(=)  
lain daz ich mein chint widerhet  
ich frevt mich avch. daz allez  
menfchleich chvnne erlöft was.  
darnach vber viertzich iar. do  
ditze allez gefchach. do chomen  
tzwen herren von Rome. der hiez  
ainer Tytus. der ander hiez vef(=)  
pefianus. die tzerftörtten Ierufa(=)  
lem. vnd viengen do als viel iv(=)  
den. daz man ie dreizzich ivden  
gab vmb ainen phenning. als

fi alle mein chint heten gege(=  
ben vmb dreizzich phenning.  
vnd rachen domit mein chin(=  
des tode. vnd fein mart<sup>er</sup>. ameN